

四庫全書

集部

欽定四庫全書

集部
精華錄卷五

詳校官侍讀學士_臣陸伯焜

助教_臣常循履勘

總校官進士_臣朱 鈐

校對官學正_臣翁樹棠

謄錄監生_臣朱 坤

欽定四庫全書

精華錄卷五

刑部尚書王士禎撰

今體詩

清明後三日鄒平西郭賦詩

雨歇西原上鶯花事事妍
青山環縣郭白鳥破溪烟
墟落明流外園林霽景前
永懷蘭渚客行悵暮春天

蠶詞四首

青青桑葉映迴塘三月紅蠶欲暖房
相約明朝南陌去
背人先祭馬頭娘

戴勝初來水染藍女桑濃葉滿江南
誰家少婦青絲籠
知向香閨飼女蠶

玉蛾飛飛金繭酥蠶時幾日閉門樞
白葦與儂作璘藉
黃金與儂作跣踏

鳩鳴屋角桑葉低三眠四眠蠶始齊
小姑嬌小好閒事
簇蠶學罷學添梯

山蠶詞四首

清溪柵葉始濛濛樹底春蠶葉葉通曾說蠶叢蜀道險
誰知齊道亦蠶叢

那問蠶奩更火箱春山到處是蠶房柵林正綠柵園碧
閒却猗猗陌上桑

春繭秋絲各自諳一年三熟勝江南柘蠶成後寒蠶續
不道吳王八蠶蠶

尺五竿頭絡色絲龍梭玉鐻動妍姿紅閨小女生來慣

中婦流黃定未知

雨止

碧漢歇微雨美人橫素琴
牕前明月影洞口綠蘿陰
邱壑結遙想茅茨清道心
稍聞西澗水寂歷響空林

阮亭秋霽有懷西山寄徐五

孤亭新霽後藤竹夜涼生
忽憶西峯寺曾經采藥行
夕陽雲木秀秋雨石泉清
不見烟霞侶相思空復情

南唐宮詞六首

細雪霏霏落院門金鋪鴛鴦早黃昏宮中玉女隨君側
搏得春冰帶爪痕

曾邀醉舞媚君王鬢朶珠翹別樣妝紅燭當筵新破就
更將金屑譜霓裳

簾錦鸞綾萬卷殊澄心堂裏阜羅厨保儀玉貌空傾國
妙選深宮但掌書

御溝桃葉水潺潺姊妹承恩并玉顏花底自成金葉格
宮中齊唱念家山

花下投籤漏滴壺
秦淮宮殿浸虛無
從茲明月無顏色
御閣新懸照夜珠

重午龍舟歲歲陳
輕鳧飛燕各如雲
瓦官閣下黃花漲
別有凌波水上軍

聞雁

縹緲涼天數雁鳴
幾家砧杵起秋聲
懷人江上楓初落
卧病空堂雨易成
尺素經時常北望
暮雲無際且南征
沅湘一帶多兵甲
莫動高樓少婦情

蠡勺亭觀海二首和家兄西樵

春浪護魚龍驚濤與漢通石華秋散雪海扇夜乘風徐
市荒唐後秦臺滅沒中扶桑試晞髮朝日萬山紅

吾廬臨少海及此更空蒼飛觀圖雲氣靈槎著日傍十
洲真浩渺六博足翱翔乘蹻何年去重來覽下方

秋暮與家兄禮吉叔子小飲有懷

蕭瑟秋為氣凋薳始欲愁酒人方落魄名士半離憂桂
樹猶招隱雲旗未遠遊吾曹如野鶴偃蹇待浮邱

秋柳四首

秋來何處最消魂
殘照西風白下門
他日差池春燕影
祇今憔悴晚烟痕
愁生陌上黃驄曲
夢遠江南烏夜邨
莫聽臨風三弄笛
玉關哀怨總難論

娟娟涼露欲為霜
萬縷千條拂玉塘
浦裏青荷中婦鏡
江干黃竹女兒箱
空憐板渚隋堤水
不見琅琊大道王
若過洛陽風景地
含情重問永豐坊

東風作絮糝春衣
太息蕭條景物非
扶荔宮中花事盡

靈和殿裏昔人稀相逢南雁皆愁侶好語西烏莫夜飛
往日風流問枚叔梁園回首素心違

桃根桃葉鎮相憐眺盡平蕪欲化烟秋色向人猶旖旎
春閨曾與致纏綿新愁帝子悲今日舊事公孫憶往年
記否青門珠絡鼓松枝相映夕陽邊

息齋夜宿即事懷故園

夜來微雨歇河漢在西堂螢火出深碧池荷聞暗香開
牕鄰竹樹高枕憶滄浪此夕南枝鳥無因到故鄉

采蓴曲四首

湘湖雉尾蓴，鄧支馬肝石。采蓴作蓴羹，底用作方伯。
不食上湖苳，但采下湖蓴。緣流棹歌去，西風愁殺人。
采蓴臨淺流，采蓮在深渚。歡似蓴心滑，那識蓮心苦。
蓴絲何纏綿，柔白勝玉臂。持作千里羹，朝朝下鹽豉。

即事作二首

草堂殘雪後，不出系南邨。暮鳥常穿屋，寒家少候門。
讀書幕終古，養疾樂邱園。顧已慚通隱，浮沉莫更論。

二十偶通籍三年歸舊林聊知返初服豈敢謝朝簪
跡思壺口忘機憶漢陰終當與嘯父天路試相尋

讀史雜感八首

王謝烏衣六代同名家龍虎盛江東可憐東邸鑾輿出
僕射終當愧侍中

過江名義共推袁宋室孤臣念愍孫千古消魂石城曲
司徒家世本陽源

鑿地蓮花映雉頭卻忘鼙鼓下荊州白門一決須更事

枉向宮中拜蔣侯

結髮從戎老戰爭揮鞭立就十三城涼風堂側桃枝戲
絕勝平陽九道兵

江陵士馬控西疆坐使吹脣沸建康湘土尋戈同氣盡
卻教常棣死青塘

殿中擁樂唱無愁江左重開南豫州十萬敵軍齊北哭
至今淝水不曾流

汾上軍書夜刺閨天池較獵未言歸不愁粉鏡恩恩去

更語官家殺一圍

芳華苑裏奏名倡，積翠池邊舍利裝。
衍得魚龍新散樂，大家恩賜學曹王。

雪後答東癡見憶之作

昨夜東臯雪憑誰，問隱居不知高卧者。
歲杪意何如，井邑頻憂稅溪山。
早著書，因垂楚蘭咏，吟望一愁予。

雪後懷家兄西樵

竹林上斜照，陋巷無車轍。
千里暮相思，獨對空庭雪。

別萬丈屏楊勝林

別鶴念湖海離羣秋夜心風聲鄖口暮江色禦亭深去
路分吳楚相思各滯淫關門今夕雨蕭颯動寒砧

法慶寺閣上望雲門山

祇園有珠閣高出碧林端落日眺平楚青山生暮寒歸
雲天際去遠樹坐中看今夕雲門月無人照戒壇

即目

蒼蒼遠烟起槭槭疎林響落日隱西山人耕古原上

許山道中

斷靄望沉沉，關河歲暮心。
蒼山連凍浦，雪屋入寒林。
鳬雁荒陂晚，雞豚古社深。
墨王亭畔路，載酒憶登臨。

南園池上

清言不覺暑，纖月生西林。
苔徑少塵色，夜猿清道心。
漁樵晚多侶，風壑靜同音。
會學涓高術，陰潭鳴玉琴。

阻雨望醴泉寺用徐昌穀韻

誌公飛錫處，巖壑至今深。
渺渺青山路，蒼蒼脩竹林。
法

雲懸瀑影幽鳥亂泉音自歎塵中駕空勞出世心

題迪功集

昭代嬋娟子徐卿雅好文稱詩如典午譚藝似參軍
落雲霞質飄搖鸞鶴羣祇應禹洞裏靈蹟待夫君

寄董樵

聞卜崑崙宅棲遲歲幾更人烟分蜃影海嶠出秋晴
屋閒垂釣山田晚罷耕多君離亂日白社獨逃名

題公馭蘇門圖卷

曾學如鸞旨心懷汲縣遊秋清嘯臺月竹映百泉流小
隱何年卜名山一卷收聊當共嵇阮把臂向林邱

紀事

天壽蒼涼石獸陳荒原驚見翠華春
君王淚灑思陵樹玉盃金鳧感侍臣

高郵雨泊

寒雨秦郵夜泊船南湖新漲水連天風流不見秦淮海
寂寞人間五百年

淮安新城有感二首

澤國陰多暑氣微
一城烟靄晝霏霏
春風遠岸江離長
暮雨空堤燕子飛
四鎮蟲沙成底事
五王龍種竟無歸
行人淚墮官橋柳
披拂長條已十圍

開府當年據上游
建牙賜爵冠通侯
即看別院連雲起
更引長淮作帶流
荒徑人稀鼪鼯嘯
野塘風急荻蘆秋
永嘉南渡須臾事
忍向新亭問楚囚

江上寄程崑崙二首

白浪金山寺青山鐵甕城故人今不見楊柳作秋聲
江北望江南祇隔江津水日暮寒潮生愁心滿揚子

余澹心寄金陵詠懷古跡詩卻寄二首

千古秦淮水東流遶舊京江南戎馬後愁殺庾蘭成
鍾阜蔣侯祠青溪江令宅傳得石城詩腸斷蕪城客

再過露筋祠

翠羽明璫尚儼然湖雲祠樹碧於烟行人繫纜月初墮
門外野風開白蓮

青山

晨雨過青山漠漠寒烟織不見秣陵城坐愛秋江色

江上

吳頭楚尾路如何烟雨秋深暗白波
晚趁寒潮渡江去滿林黃葉雁聲多

即目

蕭條秋雨夕蒼茫楚江晦時見一舟行濛濛水雲外

皇廠河

鳬雁被沙洲沿洄一徑幽萍花紛曲岸竹色壓迴
流晚鼓滄江戍人家白板樓好乘瓜蔓水溪上問
漁舟

雨後觀音門渡江

飽挂輕帆趁暮晴寒江依約落潮平吳山帶雨參差沒
楚火沿流次第生名士尚傳揮扇渡踏歌終怨石頭城
南朝無限傷心史惆悵秦淮玉笛聲

曉雨復登燕子磯絕頂

岷濤萬里望中收，振策危磯最上頭。
吳楚青蒼分極浦，江山平遠入新秋。
永嘉南渡人皆盡，建業西風水自流。
醺酒重悲天塹險，浴鳧飛鷺滿汀洲。

題徐半山山居圖

先生竟學道，自製水田衣。
獨卧寒林靜，故人相見稀。
晚涼松鼠落，曉日竹鷄飛。
亂葉千峰裏，行歌何處歸。

登金山二首

振衣直上江天閣懷古仍登海嶽樓三楚風濤盃底合
九江雲物坐中收石罅落照翻孤影玉帶山門訪舊遊
我醉吟詩最高頂蛟龍驚起暮潮秋

三山縹緲望如何有客褰裳俛逝波絕頂高秋盤鶴鶴
大江白日踏鼃鼃泠泠鐘梵雲間出歷歷帆檣檻外過
京口由來開府地不堪東望尚干戈

丹陽二首

夜火丹陽郭移舟暫解維川塗紛雨雪彌望遠淒其戍

鼓蘭陵鎮荒烟葛令祠五湖行漸近杳杳欲何之
曲阿後湖路百里望南徐解纜從漁父臨風誦卜居處
亭朝射虎練水暮觀魚如此堪終老窮愁悔著書

潤州懷古二首

楚雲直下大江流鐵甕城高落木秋宋帝南徐猶作鎮
蕭公北顧更名樓江山勝蹟留三國海道烽烟動五州
見說孫盧西犯日青燐白浪使人愁

興亡六代已銷沉對此茫茫思不禁黃鵠山頭寒雨暝

佛狸帳外暮濤深
兵聞北府千年勁
雲入西津一片陰
興劇且傾京口酒
三山披豁足開襟

焦山曉送崑崙還京口

山堂振法鼓
江月挂寒樹
遙送江南人
雞鳴峭帆去

海嶽菴拜蘓米二公像

前輩風流地
為菴易研山
淨名猶故蹟
磨衲識清顏
江月長如此
高人去不還
惟應餘翰墨
終古照人間

瓜洲渡江二首

昨上京江北固樓微茫風日見瓜洲層層遠樹浮青蘋
葉葉輕帆起白鷗

揚子橋頭雞未鳴瓜洲城外日東生風波不憚西津渡
一見金焦雙眼明

呂城雪霽二首

雞鳴呂城鎮日出市橋東雪屋迴汀口煙檣野竹中鳥
飛皆貼水舟泛若乘空古蹟成荒壘行行慨阿蒙

午夜雲陽道扁舟狎老漁神亭雪幾許直瀆路何如烟

水懷前侶江湖未定居斷橋叢樹裏何處卜吾廬

舟暮

向晚金牛道林寒響宿禽雪晴烟樹小日夕竹園深川
路通蕭港扁舟動越吟蘭陵今夜酒無那故鄉心

許墅舟中眺陽山殘雪

日出陽山外參差見幾峯依稀露烟靄窈窕明雲松忽
憶梅花發清溪深萬重扁舟欲乘興杳杳暮天鐘

虎邱

闔廬霸業夕陽沉鐘梵空山自古今劍去虎邱青嶂在
水枯鶴澗碧苔侵吳宮歌散聲猶苦越絕書成怨不任
惟有生公臺畔石年年白月照禪心

闔廬墓

劍池春日水清虛石壁臨風弔闔廬於越行成誰狡獪
夫椒往事重欷歔飄零王氣傳金虎寂寞空山葬玉魚
太息恩讐竟何在荒臺青草認姑胥

姑蘓懷古三首

爭長黃池未濟師餘皇舟已徙熊夷山川終古迷商魯
花草千年怨種蠱故國魂銷吳苑水行人腸斷越溪絲
竹枝聲裏春將盡破楚門東暮雨時

斜日停橈喚奈何橫塘聲散采蓮歌青山古道通閭闔
綠黛春風憶芰蘿廢苑悵悵花欲暮長洲蓼蓼水空波
千金枉鑄鴟夷像烏自高飛避網羅

山徑何時葬玉兒興亡轉瞬日西徂越人已自籌三策
秋祭當年竟五湖雨過麋城空碧草春深鶴市半青蕪

金史四庫全書
傷心更有南陽宰不獨寒潮泣子胥

文種歎曰南陽之
宰而為越王之禽

夜雨題寒山寺寄西樵禮吉二首

日暮東塘正落潮孤蓬泊處雨瀟瀟
疎鐘夜火寒山寺記過吳楓第幾橋

楓葉蕭條水驛空離居千里悵難同
十年舊約江南夢獨聽寒山半夜鐘

虎山擅勝閣眺光福以雨阻不得往

虎山橋畔盡層松掩映寒流古寺紅
卻上重樓看鄧尉

太湖西去雨濛濛

雨夜宿聖恩寺還元閣

梅樹初花石澗流
滿山香雪送行舟
三更蕭瑟湖邊雨
百尺高寒水上樓
師子窟中嵐翠合
法華山外暝烟收
霜天欲曉鯨音起
萬壑聲從何處求

山中寄叔子時阻雨澣墅

平生兄弟遠遊心
世外玄棲約共尋
澗道名花任開落
湖天春水半晴陰
何山往事思求點
五嶽前期負向禽

遙憶孤篷宿烟雨青芝南望白雲深

鄧尉竹枝詞六首

二月梅花爛漫開遊人多自虎山來新安塢畔重重樹
畫舫青油日幾迴

鄧尉山頭片雨晴司徒廟下晚潮生卻登七十二峯閣
玉柱銀房相向明

西施洞望米堆山夕翠朝烟擁髻鬟不道鴟夷曾載去
至今人在五湖間

西來銅井又銅坑山勢高低有二名試上龜峯光福塔
白波翠巘兩邊生

楓橋估客入山來艤子多從木瀆開瑪瑙冰盤堆萬顆
西林五月熟楊梅

綠黛遙浮玉鏡間峯巒千疊水彎環居人卻厭真山好
袁墓南頭看假山

題春申澗

桃夏遺宮廢章華蔓草深但餘流水意如聽女環琴

春申澗上

望澗亭邊野望新
明流秀嶂碧粼粼
青山終古連秦隴
珠履何年問楚人
冰雪倒懸三峽水
風烟遙接五湖濱
李園已事成荒草
太息空祠一愴神

惠山下鄒流綺過訪

雨後明月來照見
下山人語隔谿烟
借問停舟處

江上望青山憶舊二首

揚子秋殘暮雨時
笛聲雁影共迷離
重來三月青山道

一片風帆萬柳絲

長江如練布颿輕千里山連建業城
草長鶯啼花滿樹江邇風物過清明

訪紀伯紫隱居

閒踏春泥著屐來烟波百曲孝侯臺
柴門徑僻少人跡門外野棠花亂開

題沈朗倩石厓秋柳小景

宮柳烟含六代愁絲絲畏見冶城秋
無情畫裏逢搖落

一夜西風滿石頭

秦淮雜詩十四首

年來腸斷秣陵舟，夢繞秦淮水上樓。
十日雨絲風片裏，濃春烟景似殘秋。

結綺臨春盡已墟，瓊枝璧月怨何如。
猶傍南朝江令居，一片青溪水

桃葉桃根最有情，瑯琊風調舊知名。
更有何人打槳迎，即看渡口花空發。

三月秦淮新漲遲千株楊柳盡垂絲可憐一樣西川種
不似靈和殿裏時

潮落秦淮春復秋莫愁好作石城遊年來愁與春潮滿
不信湖名尚莫愁

青溪水木最清華王謝烏衣六代誇不奈更尋江總宅
寒烟已失段侯家

當年賜第有輝光開國中山異姓王莫問萬春園舊事
朱門草沒大功坊

新歌細字寫冰紈小部君王帶笑看予載秦淮鳴咽水

不應仍恨孔都官

弘光時阮司馬以吳綾作朱絲闌書燕子箋諸劇進宮中

舊院風流數頓揚梨園往事淚沾裳樽前白髮談天寶
零落人間脫十娘

傳壽清歌沙嫩簫紅牙紫玉夜相邀而今明月空如水
不見青溪長板橋

新月高高夜漏分
棗花簾子水沉薰
石橋巷口諸年少
解唱當年白練裙

玉牕清曉拂多羅處處憑欄更踏歌盡日凝妝明鏡裏
水晶簾影映橫波

北里新詞那易聞欲乘秋水問湘君傳來好句紅鸚鵡

今日青溪有范雲

雲字雙玉有紅鸚鵡詩最佳

十里清淮水蔚藍板橋斜日柳毵毵栖鴉流水空蕭瑟
不見題詩紀阿男

阿男秋柳句云栖鴉流水照秋光詩人伯紫之妹也

長干寺

門外長干道林端鍾阜雲浮圖插霄漢臨眺絕人羣宮

欽定四庫全書



精華錄
卷五

三

闕秋聲合滄江曉勢分高臺元咫尺花雨日氤氲

登觀音閣眺望

幕府山頭晚吹涼登高望遠極蒼茫濛濛夕照開棠邑
葉葉風帆下建康畫閣臨江飛鳥外丹崖拔地暮雲旁
娑羅花發香林淨坐聽微鐘出上方

大風渡江三首

鑿翠流丹杳靄間銀濤雪浪急潺湲布帆十尺如飛鳥
卧看金陵兩岸山

紅襟雙燕掠波輕
夾岸飛花細浪生
南北船過不得語
風帆一霎翦江行

連山噴雪浪嵯峨
片片乘流竹箭過
憶昨傷春三月暮
江東門外柳枝多

題余氏女子繡浣紗洛神圖二首

溪水鄰鄰見浣紗
苧蘿春色玉人家
絲絲繡出吳宮怨
碧石清江是若耶

明珠翠羽魏宮妝
洛水微波渺正長
欲寫陳王舊時恨

唾絨兼做十三行

登瓜洲大觀樓見月懷西樵

帆影落瓜洲高城四望秋
迴颼聞玉笛涼月滿江樓
清切三山影流光萬里愁
有懷謝希逸江左思悠悠

真州城南作

真州城南天下稀人家終日在清暉
長橋漁浦晚潮落曲港叢祠水鶴飛
新月初黃映江出遠山一碧送船歸
白沙洲上樓臺靜好與提壺坐翠微

昭陽舟中讀閨秀徐幼芬遺詩寄李季子二首

昭陽北望景依依
江柳微黃燕雁飛
空憶謝家才調美
青絲曾解小郎圍

自來學得謝公碁
博士風流幼婦詞
未免有情看不得

橋南荀令斷腸詩

幼芬七歲
能與父奕

陳洪綬水仙竹二首

為周櫟園
侍郎題

清冷池畔梁園種
奈此生綃素影何
更寫東阿舊時恨
芝田館外見凌波

玲瓏疎影玉繽紛
比似江梅迴不羣
特向蒼梧分一本
淚痕斑處伴湘君

樊圻畫

蘆荻無花秋水長
澹雲微雨似瀟湘
雁聲搖落孤舟遠
何處青山是岳陽

葉欣畫

偶來獨立碧谿頭
石澗茅亭白日幽
風雨欲來山欲暝
萬松陰裏颯寒流

李念慈畫

君家涇水陽終南在當面紫閣與皇陂宛向圖中見

楊枝紫雲曲二首

名園一樹綠楊枝
眠起東風踈地垂
憶向灞陵三月見
飛花如雪颭輕絲

黃金屈膝玉交盃
坐燼銀荷葉上灰
法曲只從天上得
人間那識紫雲迴

董公祠

董公祠廟已荒涼憑弔西京意倍傷漫以園陵勞主父
祇將經術奉驕王時逢明主身空老志在春秋道正長
我自愛傳繁露學王孟曾問廣川鄉

寄答汪苔文二首

光福鎮前白鶴飛崦東崦西雨霏微舊遊正及梅花發
憶爾漁陽桑葉稀三載漫求方朔米此行真息漢陰機
烽烟滿地憂租稅石室金庭少是非

夫君蟬蛻辭軒冕徑欲石公山下居秋晚洞庭收橘實

月明震澤釣鱸魚直從角里尋真隱莫問明庭有薦書
抗跡何妨五湖長由來名士半樵漁

送陳其年歸宜興

雪霰毘陵道烟霞陽羨天山從洞庭起水與貢湖連陳
子青雲客巖居傍善拳那能乘白鶴及爾御風烟

冬日登海陵德香閣

檻外紅梅初吐萼千枝萬朵壓簷低淮南斜日登高閣
目極寒蕪雪漲溪

頻歲

頻歲孫恩亂，颶檣壓海頭。
傳烽連戍壘，野哭聚沙洲。
司馬能清野，天吳漸穩流。
江淮非異土，飄泊汝何憂。

淮陰雪夜

昨歲釣臺大風雪，今來風雪又維舟。
枚臯里畔樹不辨，淮陰祠前冰亂流。
俛仰古今可太息，側身天地多煩憂。
苦聞渤海金笳動，故國何因得散愁。

蔣虎臣修撰述天台之遊賦贈

太史三茅隱朱顏薄世榮言尋沃洲路遙向赤霞城語
識寒山妙詩同太白清石梁橫地底今夜夢經行

送徐存永歸閩攜家之湖南

舊家楓嶺外去住復何言海上田園失歸途雨雪繁家
移建溪水人聽楚山猿未弔長沙傳知君已斷魂

秦郵曲二首

孟湖蕭蕭風色秋神鴉競食嘯漁舟夜半湖心明月上
還疑神女弄珠遊

今年孟冬河水乾萬夫畚鍤聚河干行河使者黃符下
敢道無衣風雪寒

寄竹林寺諸道人

瀟灑城南寺亭亭千竹林澗流殘雪積春氣遠江陰石
壁牕中直梅花臘後深戴公山下路扶病憶登臨

雜題蕭尺木畫冊四首

為鄭御史作

旂影依稀選佛場白雲深處劇清涼迢迢澗水空花出
寂寂寒山貝葉香

山城水郭蒼茫裏曲棧疎林遠近中太息歐湖老詩史
直將勁筆壓關雝

笻筇沿溪踏亂流秋深蘆荻風颼颼若得五湖三畝宅
便須隨汝釣槎頭

平生酒態嵇中散目送飛鴻坐竹林閒向梅花彈一曲
落花亂點碧流深

題棧道飛雪圖送曾道扶之漢中

西指褒斜路淒然送遠心千峯盤雪棧數騎出雲林蜀

道連天起秦關入望深
今宵畫圖裏如聽暝猿吟

二月五日淮陰作

二月五日春已半
淮南風物劇駸駸
麥苗亂茁垂楊岸
蝴蝶交飛花樹林
白羽徵兵吳會遠
黃巾掠地海堧深
何時戍罷狼烟淨
擊壤長從田父吟

環溪觀玉蘭同朱秋厓陳冰壑

淮南二月好天氣
八寶城中春鳥鳴
溪閣客來尋舊約
辛夷花發值新晴
迴風雪霰當盆落
遲日雲霞拂檻生

杏葉柳枝俱鬢驚
心被楔逼清明

送茗文之京二首

蓀蓀江湖春水生
淮南風景過清明
故人恰向愁中至
感激真從難後平
竹外寒烟瓜步鎮
花時細雨廣陵城
謝公埭下通宵語
酒冷香殘十載情

潦倒徒成未拂衣
疎狂真與世相違
南徐載鶴橫江去
西磧看花壓帽歸
此去故人京雒少
莫教遠道尺書稀
嶺南程五如相問
為道維摩減帶圍

載鶴探梅皆余
與茗文近事

絕句

波遶雷塘一帶流，至今水調怨揚州。
年來慣聽吳娘曲，暮雨瀟瀟水閣頭。

寄陳伯璣金陵

東風作意吹楊柳，綠到蕪城第幾橋。
欲折一枝寄相憶，隔江殘笛雨瀟瀟。

贈蔣虎臣先生

盧橘已垂實，楊梅初滿林。
仙人一相訪，樽酒話同心。

台烟霧遠華陽邱壑深平生山水意茲夕寄瑤琴

紅橋二首

舟入紅橋路垂楊面面風銷魂一曲水終古傍隋宮
水榭迎新秋素舸自孤往漠漠柳綿飛時時落波上

真州絕句五首

揚州西去是真州河水清清江水流斜日估帆相次泊
笛聲遙起暮江樓

白沙江頭春日時江花江草望參差行人記得曾遊地

長板橋南舊酒旗

曉上江樓最上層
去帆婀娜意難勝
白沙亭下潮千尺
直送離心到秣陵

江干多是釣人居
柳陌菱塘一帶疎
好是日斜風定後
半江紅樹賣鱸魚

江鄉春事最堪憐
寒食清明欲禁烟
殘月曉風仙掌路

何人為弔柳屯田

柳耆卿墓在城西仙掌

和李退菴侍郎讀水經注懷洞庭之作

楚望經時入宵冥
岳陽樓上數峰青
曾臨南極浮湘水
坐對西風憶洞庭
斑竹想從春後長
落梅猶向笛中聽
新詩吟罷愁多少
腸斷當年帝子靈

江東

江東人物舊難儔
遺老飄零半白頭
斑管題詩吳祭酒

梅村紅顏顧曲索荊州

荇卷

太常縑素雲烟落

烟客

宗伯文章

江漢流華亭徑欲相從破蕭瑟
片颿高挂五湖秋

吳公臺

大業那堪問長城怨有餘回頭成一笑三十六封書

青陽道中二首

黛色橫天際蒼蒼秦望山東巡殊不返流恨此山間
脩竹被晴川淪漣映空曲日夕雪初消人家在寒綠

江陰何明府邀登君山

楚相何年邑淒涼此獨經棘門成宿草浮遠祇空亭

上有

亭名
浮遠

半壁收吳楚空江入杳冥卻思洞庭上一十二峯青

鄧玉書檢討招飲梅園

暨陽城外路倚棹數寒鴉何處吹橫笛江南雪後槎故人碧山隱招我問梅花更上花間閣香山數點斜

高橋曉望惠山寄修遠留仙心甫流綺

清盥披衣起開簾見九峯烟深微辨樹潮落緩聞鐘秦塢望中近高流何處逢那能品泉水與爾趺長松

潤州曉渡用皇甫冉萬歲樓韻

練湖分艇悵何依北渡迴看雲樹微白下西來潮正落丹陽南去雁還飛笛殘遠步新愁集酒醒江闌旅夢稀

鐵甕城邊重懷古當年萬馬蹴重圍

題趙澄畫

為周襟園侍郎題

烟柳南朝寺風花建業城年年春盡日玉笛喚愁生

鑾江舟中雪霽月出即事題鄒詰畫

拂曉春寒重揚帆急霰侵月明生水際積雪滿空林岸
火推蓬近漁菴閉戶深平生剡溪興茲夕是山陰

葛一龍枇杷

洞庭詩人葛震父畫成廬橘亦清蒼想他縹緲峯頭坐

快寫西林五月黃

亡名氏畫

蘆荻蕭蕭山氣陰橫笛吹作蒼龍吟一聲入破鐵皆裂
舉世無人知我心

惲向千巖競秀圖

萬壑千巖雲霧生曹娥江外幾峯晴分明乞與樵風便
身向山陰道上行

馬士英畫

秦淮徃事已如斯，斷素流傳自阿誰。
比似南朝諸狎客，何如江令擘箋時。

葉欣離宮秋曉

翠華寂寂罷宸遊，苑樹聲淒碧水流。
一片敗荷千點葉，靈波宮外不勝秋。

送葉子吉編修入都

憔悴江潭客

先皇侍從臣，宮車一朝出三別。

帝城春自灑蒼梧
淚行吟楚澤濱
重來清切地憶奉
屬車塵

送家兄禮吉歸濟南二首

龍山晴雪馬蹄長
山翠湖雲晷畫香
好到旗亭寒貰酒
雙鬟低按小秦王

錦秋湖邊稻花涼
錦秋亭下鱸魚香
垂虹秋色一千里
秋到吳淞思故鄉

戲做元遺山論詩絕句三十二首

中角彈碁妙五官搔頭傅粉對邯鄲風流濁世佳公子
復有才名壓建安

五字清晨登隴首羌無故實使人思定知妙不關文字
已是千秋幼婦詞

青蓮才筆九州橫六代淫哇總廢聲白紵青山魂魄在
一生低首謝宣城

挂席名山都未逢潯陽喜見香鑪峯高情合受維摩詰
浣筆為圖寫孟公

杜家箋傳太紉孥虞趙諸賢盡守株苦為南華求向郭
前惟山谷後錢廬

漫郎生及開元日與世聾牙古性情誰嗣篋中冰雪句
谷音一卷獨錚錚

風懷澄澹推韋柳佳處多從五字求解識無聲絃指妙
柳州那得並蘇州

中興高步屬錢郎拈得維摩一瓣香不解唯黃高仲武
長城何意貶文房

金少石山人集 卷五
草堂樂府擅驚奇杜老哀時託興微元白張王皆古意
不曾辛苦學妃姒

廣大居然太傅宜沙中金屑苦難披詩名流播雞林遠
獨媿文章替左司

獺祭曾驚博興彈一篇錦瑟解人難千年毛鄭功臣在
猶有彌天釋道安

涪翁掉臂自清新未許傳衣躡後塵卻笑兒孫媚初祖
強將配饗杜陵人

詩人一字苦冥搜論古應從象罔求不是臨川王介甫
誰知暝色赴春愁

苦學昌黎未賞音偶思螺蛤見公心平生自負廬山作
才盡禪房花木深

林際春申語太顛園林半樹景幽偏豫章孤詣誰能解
不是曉人休浪傳

鐵厓樂府氣淋漓淵穎歌行格儘奇耳食紛紛說開寶
幾人眼見宋元詩

貌姑神人何大復致兼南雅更王風論交獨直江西獄
不獨文場角兩雄

三代而還盡好名文人從古善相輕君看少谷山人死
獨有平生王子衡

正德何如天寶年寇侵三輔血成川鄭公變雅非關杜
聽直應須辨古賢

十載鈴山冰雪情青詞自媚可憐生彥回不作中書死
更遣息息唱渭城

接跡風人明月篇何郎妙悟本從天王揚盧駱當時體
莫逐刀圭誤後賢

翩翩安定四瓊枝司直司勲絕妙詞底事濟南高月旦
僅存水部數篇詩

中州何李並登壇弘治文流競比肩詎識蘇門高吏部
嘯臺鸞鳳獨迢然

文章烟月語原卑一見空同迥自奇天馬行空脫羈勒
更憐譚藝是吾師

濟南文獻百年稀白雪樓空宿草菲
未及尚書有遺習猶傳林雨忽沾衣

楓落吳江妙入神思君流水是天真
何因點竄澄江練笑殺談詩謝茂秦

來禽夫子本神清香茗才華未讓兄
徐庾文章建安作悔教書法掩詩名

海雪畸人死抱琴朱絃踈越有遺音
几疑淚竹娥皇廟字字離騷屈宋心

澹雲微雨小姑祠
菊秀蘭衰八月時
記得朝鮮使臣語
果然東國解聲詩

溪水碧于前渡日
桃花紅是去年時
江南腸斷何人會

只有崔郎七字詩

太倉崔華
字不雕

曾聽巴渝里社詞
三閭哀怨此中遺
詩情合在空舫峽
冷雁哀猿和竹枝

九歲詩名銅雀臺
三年留滯楚江隈
不如解唱黃鸝者
新自王戎墓下來

夢與唐祖命遊黃山

昨宵山中駕咫尺窮黃海夢裏軒轅臺迢迢復何在

至日懷申臯盟兼寄張履興

晚雪融長至春風到廣羊有書來遠道知汝卧清漳久
客語吳語行歌憶楚狂如聞巖壑裏慢世得琴張

太液兄家舊藏倪元鎮畫自題云蕭蕭風雨麥秋
寒把筆臨摹強自寬賴有俞君相慰籍松肪筍
脯勸加餐此詩甚佳而雲林集不載今年偶得松

圓老人畫愛其風格不減雲林因用前韻題于左

方

輕螺如髻秀堪餐
新柳微黃晚漲寬
應有扁舟天上坐
鮎魚吹雪一江寒

方山道中

前山白雲外
繚繞一江橫
漁舍參差見
風帆自在行
烟花憐故國
湖海寄浮生
洗盡船頭坐
一聲沙鳥鳴

瓜步晚望

西日低銜瓜步鎮
亂鴉飛去石帆山
支頤獨眺江南岸
龍虎銷沉悵等閒

望雞籠山雪寄杜于皇

天半雞籠雪遙遙
逸興徧春陰寒未散
雲壑更相鮮
不辨谷中樹應添巖下泉
因懷杜陵叟拾橡此中眠

秦郵雜詩六首

夾岸人家短竹籬
鴨頭新綠雨如絲
幾年寒食秦郵路
拂面楊花被酒時

國士無雙秦少游堂堂坡老醉黃州高臺幾廢文章在

果是江河萬古流

予方修文
游臺成

露觴祠前水拍村平湖水暖生蘭蓀靈風斜日畫旗捲
時有神鴉歸廟門

濤聲東走海陵倉蛾子紛紛割據場三百年來陵谷變

居人猶是說張王

張士誠元
末據此

三十六湖如玦環青蘋風起白銀灣紅橋四百姑蘇那
徑合移來著此間

小桃初紅柳垂陰
甃社湖中花水深
鴉頭十五竹枝曲
不聽歌聲何處尋

茅山進香曲四首

揚俗舟人歲以三月
進香茅山戲為作此

家住茱萸灣
復灣年年三月上
茅山白沙江邊吹笛去
赤山湖上賽神還

遙指三峯次第青
五雲深處擁雲輶
猿啼日暮神靈雨
知是茅君欲現形

雷平峯前雲氣開
池中隱約起風雷
何人戲取華陽劍

直割乖龍左耳來

江淮兒女愛孤蓬
水宿烟餐西復東
但祝茅君賜安穩
年年不怕石尤風

冶春絕句十二首

同林茂之前輩杜于皇孫豹人張祖望程穆倩孫無言許力臣

師六修楔紅橋酒間賦冶春詩

今年東風太狡獪
弄晴作雨遣春來
江梅一夜落紅雪
便有夭桃無數開

野外桃花紅近人
穠華簇簇照青春
一株低亞隋皇墓

金匱要略卷五
且可當盃酒入脣

紅橋飛跨水當中一字闌干九曲紅日午畫船橋下過
衣香人影太怱怱

三月韶光畫不成尋春步履可憐生青蕪不見隋宮殿
一種垂楊萬古情

髯公三過平山下白髮門生感故知欲覓醉翁呼不起
碧虛樓閣草離離

東風花事到江城早有人家喚賣餠他日相思忘不得

平山堂下五清明

坐上同矜作達名留犁風動酒鱗生江南無限青山好
便與諸君荷鍾行

海棠一樹淡胭脂開時不讓錦城姿花前痛飲情難盡
歸卧屏山看折枝

叩竹方袍老謫仙威儀猶復見前賢蓬萊三度揚塵後
坐閱春光九十年

當年鐵礮壓城開折戟沉沙長野苔梅花嶺畔青青草

閒送遊人騎馬回

彭澤豪華久黃土梁谿歌舞散寒烟

張御史達泉彭澤人鄒副使愚谷梁

谿人林翁酒間述二家聲伎豪侈之樂今俱衰歇矣

生前行樂猶如此何處看春

不可憐

故國風光在眼前鵲山寒食泰和年

元遺山濟南詩句

邗溝未

似明湖好名士軒頭碧漲天

時祖望談吾郡山水之勝名士軒在明湖曾子固守

郡時所作

精華錄卷五

欽定四庫全書

集部
精華錄卷六

詳校官侍讀學士_臣陸伯焜

助教_臣常循覆勘

總校官進士_臣朱 鈐

校對官學正_臣翁 樹棠

謄錄監生_臣朱 坤

欽定四庫全書

精華錄卷六

刑部尚書王士禎撰

今體詩

送孫無言歸黃山四首

昨夢黃山碧溪月白雲三十六峯深
朝來卻送滄洲逸
興發還為吳會吟

未能采藥入青城且傍浮邱畢
此生知君西渡松明水

金匱要略卷六
已有羣仙抗手迎

硃砂湯口三千頃石筍凌空一萬株更問黃山奇絕處
天都瀑布勝匡廬

廣陵市上賈人子衮衮錢刀劇可憐怪爾山中紫芝客
閉門高枕夢遊仙

送彭十美門遊粵二首

大姑彎彎眉黛長小姑窈窕宮亭妝三日潯陽風信到
雙姑早晚嫁彭郎

萬里南荒弔尉佗芭蕉林裏越禽多好將延露新翻曲
乞與珠娘蹋臂歌

真州懷家兄西樵

依然山郭與江樓長夏蕭條只似秋十里香生芰荷水
亂蟬聲送木蘭舟試尋戰壘連京口無數雲山指石頭
曾與坡公吟賞地對牀風雨戀真州

秦淮泛月宿青溪有寄二首

移船就明月鼓楫泝淮流明月雲中出流光水上浮三

更吹玉笛銀漢瀉涼秋長板橋頭柳誰家尚倚樓
一宿青溪柵還悲張麗華黑頭江令宅亦作段侯家壘
號韓擒虎商歌玉樹花都將東郭筆寫恨寄天涯

故中山西園

上公邸第舊西園水石蕭然絕世喧無復秋蘭被長坂
祇餘脩竹映朱門蕭曹事業終歸盡江孔文章莫更論
日暮風煙愁客思冶城南是謝公墩

臺城懷古二首

覆舟山畔古臺城故壘參差觸目驚蔓草縈烟野蕭瑟
寒禽將子水縱橫紫雲黃鵠符終驗白馬青絲識又成
千載華林宮館路清明時節野棠生

傳檄風生南雍州蕭郎三十冠諸侯蘭陵家國偏多故
荆楚干戈且未休遺老空聞龍瀆語荒原都作雉媒秋
可憐代景行師日水到青塘咽不流

登雞鳴寺

雞籠山上雞鳴寺紺宇凌霞鳥路長古埭尚傳齊武帝

風流空憶竟陵王
白門柳色殘秋雨
元武湖波澹夕陽
下界銷沉陵谷異
楓林十廟晚蒼蒼

雞鳴寺眺後湖二首

禁地傳清切
依依白下城
恩波連太液
別苑起昆明

湖亦

號昆

野水鳬鷗遠
斜陽菡萏生
不須搖落日
陵谷已含

情

魚鳥華林路
滄泓復此湖
三秋人易怨
八代感何殊
蕭寺寒聲急
鍾陵返照孤
塘蒲今已晚
憔悴庾肩吾

題秦淮水榭

水簾胡牀水上頭起看纖月映淮流三更入破誰家笛
子夜聞歌何處樓澹澹星河耿斜照娟娟風露作新秋
謝郎今夕思千里獨對金波詠四愁

題靈谷廢寺

為愛蔣山山色好筍輿終日不逢人杖藜入寺花扶屐
巖谷迎秋雨墊巾王舍城中荒草徧樂遊原上野麋春
誌公衣履今還在苑外悲風卧石麟

尋半山堂遺址

舒王歸卧後卜築蔣山邊騎驢衣掃塔來往定林前空
山無舊業歆澗但懷烟太息元豐事江城聞杜鵑

蕭思話彈琴石

宋代蕭常侍彈琴于此山清徽汎松石逸響碧雲間我
欲尋遺跡風流不可攀惟餘遠江水朝夕送潺湲

瓦官寺

江色斜陽下來過古瓦官勇如驃騎少

阮思曠戲何驃
騎卿勇邁終古

乃圖作佛凝似虎頭難梵響流空寂松聲覆殿寒逍遙能解

否試問道林看

答朱錫鬯過廣陵見懷之作時謁曹侍郎于雲中
桃葉渡頭秋雨繁喜君書札到黃昏銀濤白馬來胥口
破帽疲驢出雁門江左清華惟汝在文章流別幾人存
曹公橫槊懸相待共醉飛狐雪夜樽

夜登觀音巖弘濟寺贈終南融道人

登臨建業暮鐘時楚客憑高一寄思
祿祿寒潮孤鳥去

冥冥微雨數帆遲遠江人語驚山鬼方丈燈明叩導師
借問龐眉老尊宿空山雨雪是前期

懷陳伯璣二首

當代陳無已棲棲竟白頭三洲歸作客五字遠工愁
湓浦風潮滿匡山木葉秋經年斷消息何事只淹留

公子秦川貴飄零感盛時田園非阮曲別業寄鳩茲
拂名僧對吟詩小婦知秦淮舊風月衰柳幾行垂

將往金陵冒辟疆攜歌兒見過同方坦菴先生杜

于皇方邵村崔不雕小集

天涯倦客此宵同銀燭湘簾五夜風殘月空堂絃拉雜
早潮江岸唱玲瓏鶯花上日連秋社絲竹中年感謝公
明發白沙洲上棹橘林楓葉雨濛濛

夜泊江口聞笛寄家兄西樵四首

雲水正寥落笛聲何處生颯然秋思滿不覺有離情涼
月閣邊水西風江上城何須武溪曲辛苦怨南征

揚子江頭月流光千里餘美人臨水別隔歲幾行書霜

落吹羌笛烟深聞夜漁調高風籟寂流怨滿空虛
半夜蒼龍吟能傷楚客心離人歌水調清怨激楓林估
舶不能發江波此夕深夜寒沙雁起縹緲竟難尋
李謩天寶伎裂竹老龍驚此夜瓜洲渡風高白浪生精
靈泣相語雲月皓將盈入破那能寐依依隴水清

題弘濟寺方融道人壁

曾挈軍持伴領軍五年重訪鹿麋羣天花尚散空江雨
龍氣仍蒸下界雲鉗拂不辭衝虎過梅檀常是逆風聞

聽鐘又逐驚蓬去山木蒼蒼落日曛

渡江中流作

擊汰金陵岸溶溶曉氣分潮迴落沙嶼帆遠入江雲霽
景中流見秋風天外聞時清餘戰壘重弔水犀軍

皇殿河道中二首

繫纜臨江許沿洄復幾重沙鷗荷港雨水特柳塘風潮
汐時皆應烟波態不窮欲從詹尹卜來作祝雞翁
雲影稻畦浮清泉更曲流江鄉宜晚照水草入涼秋沙

鳥飛還歇菱絲散復留漸臨瓜步岸花外幾漁舟

憶明湖

一曲明湖照眼明越羅吳縠剪裁輕烟巒濃澹山千疊
荷芰扶疎水半城歷下亭中坐懷古水西橋畔卧吹笙
鵲山寒食年年負那得樵風引棹行

題孫豹人小像

絕碣長松不世情科頭箕踞一先生胸中磊塊無人語
落落琴聲大蟹行

錦秋湖竹枝三首

鶯鴨城邊望不稀
汀洲水長荻芽肥
慕容事遠傷春日
斜日金鵝接翅飛

錦湖水色勝湘湖
雉尾萼羹玉不如持
謝江南陸內史
酪漿還得似渠無

不論烟櫂與霜篷
帆力真禁八面風
北旁南鱸誰辨得
憑君博物注魚蟲

白沙江上雪卻寄家兄揚州

停舟揚子縣支枕夜寒侵人語烟初暝雞鳴雪漸深江
天多曠望漁浦極楓林不見梅花閣烟波愁暮心

真州北郭卽目

同雲壓江城曉出真州郭郭外斑竹林風吹殘雪落

魏文帝賦詩臺

在儀真北三里

城子山邊欲雪時賦詩臺畔起愁思五官只自臨江歎
笑殺孫郎帳下兒

盱眙懷常尉建

昔賢矜柱笏偶寄一微官小邑如山塢高名薄建安夕
鐘千澗靜春雪九峯寒一勺玻璃水懷人向夜闌

奉酬西樵先生閣夜聞鶴之作

楚江烟鶴鳴風雪蕭蕭夜十載別離心相對寒燈下

人日登真州天寧寺浮圖懷李退菴侍郎

蹋閣攀林到上方振衣千仞俯蒼蒼江臯騁望傷春日

人日登臨憶侍郎枚叔才情傳七發楚臣清怨極三湘

李有憶洞庭詩最工何時問疾來方丈乞取天花作道場

讀費家詩

成都跛道士萬里下峨岷虎口身曾拔蠶叢句有神大江流漢水孤艇接殘春

二句密詩

十字須千古何為失此人

送家兄西樵遊黃鶴山

抱琴向黃鶴言訪戴公家山路霽春雨遠江明落霞風吹石楠樹露泣櫻桃花明日西津渡從君問釣查

金陵道上

乍疎乍密秧針雨時去時來舫趁風五月行人秣陵去

一江風雨晝濛濛

一銓樓與方爾止夜坐懷施愚山臨江

牛頭高處宿初夏似涼秋蕭颯青林外西風月滿樓故人皖山隱高詠繼前修共憶蕭江客清猿起夜愁

雨夜宿德雲菴

精舍千峯上禪關掩白雲下方羣動息風雨夜深聞瀑布遙爭落松聲濕不分卻愁屐齒滑絕頂閉氤氲

德雲菴曉起

宿鳥驚寒解報更夜聞林雨達天明迢迢絕澗千重瀑
寂寂中峯一磬聲

雨中將往華山同爾止坐紫峯閣

寂歷山中雨僧房晝掩門還來紫峯閣解帶共清言危
溜千巖落中峯一澗喧誰知江令宅今是給孤園

華山道中即事

萬山堆裏看雲松曲曲崦幽溪復幾重為愛泉聲過林去
不知烟寺遠聞鐘

尋舊院遺址同方爾止

香艷消沉盡空尋舊板橋人稀春寂寂事去雨瀟瀟黃
蝶飄寒圃青溪咽暮潮鷺峰寺前柳搖落亦魂銷

淳化關道中望茅山

解組初辭郡離羣欲上浮懷仙來句曲采藥到茅州東
望朱陽館常思許遠遊何當餌南燭頽景駐千秋

雨宿山家二首

鬱岡山下雨瀟瀟山店寒更斷麗譙遙憶青溪楊柳岸

一篙新綠漲江潮

方諸玉具碧雲間也擬遊仙駕鶴還一夜潺湲秣陵雨
白茅門外失茅山

金陵輓陳士業先生兼寄伯璣三首

昨朝揚子縣遠寄豫章書五字詩殊妙三都序不如士業
序予論詩絕句便為絕筆人來青溪曲葉下白門初再有西江信真成

腹痛餘

板蕩崇禎末先生宰晉州中山翻得謗孟博竟同收歸

隱康王谷讀書章貢樓

君所居曰章貢讀書樓

悲哉耆舊盡流水

咽三洲

疏枰圖詩為宋射陵作

相逢射陵叟獨見古人心
解作一生事蕭然三徑深
忘機成老圃抱甕偃空林
銅輦他年夢依依直到今

花朝道中有感寄陳其年三首

漁陽三月無芳草客思離情不奈何
此日淮南好天氣
青驄尾蘸鴨頭波

三月嬉春射雉城
鉢池新水縠紋生
紫雲低唱靈雛拍
愛忍春寒坐到明

風俗淮南古禁烟
紅橋解襪雨晴天
酒徒散盡楊枝別
說着花朝一惘然

鄒衣白畫

雲嵐半幅落人間
衣白山人去不還
卻憶題詩東澗老
夕陽粉本出關山

胡元潤畫

白波青嶂非人境憶住江南過五年今日長征老鞍馬
孤蒲春雨夢江天

八冊小景

八冊西風曉鏡鋪家家網得四腮鱸水鄉風味江南思
何日扁舟鶯脰湖

樊圻畫

曾經草屨夾望見清涼山秋雨暗江浦數帆烟際還披
圖思建業欲往路間關因送江南客題詩慰別顏

趙澄畫

江南春意到寒梅曲崦迴汀幾樹開銅井銅坑風雪裏
曾歌烏帽跨驢來

石谿畫

慈竹林中一徑微曾尋石窟叩禪扉雲山舊衲渾忘卻
欲借僧雛壞色衣

趙北口見秋柳感成二首

順治乙未予上公車與家兄吏部傅彤臣御史

賦柳枝詞於此忽忽十餘年矣隄柳婆娑無復曩時不勝攀枝折條之感因賦是詩

十二年前乍到時板橋一曲柳千絲而今滿目金城感
不見柔條踈地垂

六載隋堤送客驂樹猶如此我何堪銷魂橋上重相見

一樹依依似漢南

予舊賦柳枝有句云銷魂橋上銷魂樹不到飛花魂亦銷

周量近耽奕以詩調之并示湘北

畫省垂鞭薄暮迴文楸方罫鎮常開知公欲厭承明直
徑賭宣城太守來

送隱巖道人之五臺繹堂周量荅文湘北同作二

首

道人江左秀十載住菰蘆獨向清涼去隨身智杖扶峰
峰餘積雪了了見文殊亦欲游方外從師問必翳

曼殊行道處猶現海螺城摩詰無文字豐干識姓名綻
衣寒事早咒鉢毒龍驚殺活從渠會依然草一莖

答梅淵公贈畫兼寄唐祖命二首

鳥唳屏風明鏡開青溪水色碧潌洄琴高三月登春網
一日谿頭醉一回

年來八詠憶休文耕塢先生袂又分好是謝家團扇上
相思為畫敬亭雲

送吳天章歸中條二首

二月春蕪綠紛紛蝴蝶飛花朝逢暮雨寒食減征衣道
路誰知己登臨不當歸中條多水竹此去掩荆扉

愛汝王官谷他年擬偕居三峯當戶牖五姓足樵漁田
舍堪懷古茅茨宜讀書獨憐好身手歸去注蟲魚

中條山下

有五
姓湖

題胡玉昆宋梅圖為程翼蒼

風雨厓山事杳然故宮疎影自年年何人寄恨丹青裏
留伴冬青哭杜鵑

送耿承哲赴高州推官二首

見說高涼郡遙遙八桂鄰駱田潮上下蠻弩瘴冬春蚌
暈連珠浦冰綃獻海人酌泉君有意知不厭清貧

何代名藩地軍城徧草萊轅門飛鳥落行殿野棠開感
激碣州蹕悲涼洗氏才撫時思將略巾幗亦雄哉

瓶中荷花開偶成二首

載酒紅橋日扁舟蓮葉東蕭蕭沙鳥白漠漠渚花紅明
鏡生瀟照清流澹惠風別來一千日相見瞻瓶中

魯連陂上路十里白蓮花遙夜孤舟泊無人山月斜斷
橋三汊水籬落幾漁家津市垂楊岸何人繫釣查

宗海岑畫紅橋小景見寄賦懷二首

辛夷花照明寒食一醉紅橋便六年好景怱怱逐流水
江城幾度沈郎錢

紅橋秋柳最多情
露葉烟條遠恨生
好在東原舊居士
雨牕著意畫蕪城

荷蘭刀劍

大小凡八枚

憶戰金門島

王師大合圍
寒芒生海外
真見著胸飛

荷蘭四馬

二青二赤
鴈脰日可千里

龍種來西極
蘭筋怒不羣
鼓車應待汝
不用籊浮雲

西洋四白小牛

白質斑文
長二尺高一尺七寸
項有肉峯

豈是流沙種還疑果下駒寄言熊虎質不敢恃牙鬚

過草橋西二水清濁劃然至橋東乃合流

垂楊匝地板橋橫沙路青驢得得行偶坐濠梁忘日暮
可憐泉水在山清

朱錫鬯自代州至京奉柬

短後曾將代馬騎談兵絕塞偃牙旗錦囊舊事悲唐壘
碧玉春流寫晉祠燕市雪深衣褐敝吳江楓落酒船遲
鴛湖若買三間屋得便從君下釣絲

朱有晉祠
記最工

為高念東侍郎題宋衡山畫二首

驢影凌兢冬氣昏
危亭孤棧簇烟村
披圖正有溪山夢
風竹蕭蕭雪擁門

凍合千山鳥不飛
梅花香裏蹋清暉
先生只向江南老
不見天山雪打圍

送宋牧仲別駕歸黃州

詞賦梁園憶勝遊
一麾雲夢澤南州
三分誰似周郎少
九辨深知宋玉愁
烏鵲南飛河漢轉
大江東去古今流

山川如此容高嘯羨汝黃泥坂下舟

林逋梅鶴

為蒲州杜公題
趙承旨雜畫

郭索鉤輈句尚傳妻梅子鶴致蕭然不知他日朝元殿
誰上汾陰饗祀篇

漁父

風送三江雉尾萼青鱸紫鰈正時新故家零落遺民老
恐是當年汭社人

磨鏡

磨鏡一錢無不可市中遊戲亦悠哉黃塵碧海須臾事
負局先生自往來

馬

十二天閑立仗齊何來龍種大宛西即教得遇雄才主
不少黃金鑄裏蹏

打毬

如弦馳道接長楸紅鬣嘶風滾畫毬日暮蹋花歸去晚
德陽宮北苑東頭

三月晦日公戡招同曰緝玉虬苔文周量玉隨湘

北子端集河樓得絕句五首

下直經旬髮不梳
河樓高會剪春蔬
已喜綠蒲藏睡鴨
更燒紅燭射遊魚

御河楊柳盡飛花
露葉烟條拂狹斜
十五年前曾繫馬

數株初種不勝鵑

順治乙未曾與
諸君宴集此樓

櫻桃初熟紅藥開
相逢且覆掌中盃
新詩樂府誰多少

鬪取旗亭畫壁來

濟南山水天下無，剡水殘山還自殊。
仕宦幾人為令僕，十年冷落鵲山湖。

腸斷江南盛小叢，三年禪榻過春風。
不緣今夕相料理，枉負花枝映肉紅。

送戴務旃遊華山

捫蝨雄談事等閒，餘情盤薄寫孱顏。
洛陽貨畚無人識，五月騎驢入華山。

題文與也為梁曰緝畫江村讀書圖二首

門外漁航箇箇輕春流滑笏縠紋平江花江鳥不相識
寫向丹青俱眼明

停雲家世紅欄里相國風流異代傳昨見明牕寫江練
諸孫才調又翩翩

為茗文題焚香掃地圖

朱門鼎鼎厭梁肉忍饑誦經無此人娜如山中好泉石
他年真作孟家鄰

竹枝三首送陸冰修

白翎雀飛山雪寒譜入琵琶馬上彈沙鷗鷺鵲春江上
蘆葉青青水滿灘

北人不識竹枝歌沙磧春深牧駱駝南人苦憶江南好
明鏡夾城春始波

才過蘇州是秀州垂虹亭下水爭流吳山的的如迎客
吳女摻摻解蕩舟

大司馬龔公招同劉公猷吳玉隨梁曰緝汪茗文
程周量李湘北陳子端陳其年集城南餞送董

玉虬御史赴隴右分用杜公秦州詩韻得間
字天字

送遠逢秋社西風岐路間單車三輔客鄉夢五湖山折
檻心元苦乘槎使未還隴頭鳴咽水想像鬢毛斑
隴阪高無極西行欲上天秦州秋望濶寥落幾烽傳戍
鼓連天水長城到酒泉營平方略熟吹角罷防邊

為王山史賦獨鶴亭

園林華山下水石遠人間獨鶴來江海蕭然相對閒博

臺殘雪散仙掌片雲還騎鶴三峯頂遙遙不可攀

再為曰緝題江村圖

西臺御史馬步工下直垂簾送飛鴻高堂雪霽展圖畫
興在春江烟靄中

送陳其年歸宜興二首

與君五載揚州夢細馬吟春皂莢橋歲晚幽州復相送
九門風雪壓盤鵬

送客魂銷楓樹林買田陽羨舊同心花枝照眼蝦籠嘴

未得從君弄渚禽

嶽下作

嶽路清和候氤氲望不稀林園收宿雨石瀨濺人衣班

馬紅亭渡溪禽白練飛買山隨處好終日戀清暉

秦山有紅

亭左傳大蒐于紅即此白練紅練鳥名

徂徠懷古二首

徂徠林壑美復愛竹溪清應有雲霞侶幽居遠世情釣竿想巢父酒態憶長庚寂寞空山道寥寥千載名

當年石守道卜築亦于斯時際昇平日人傳慶厯詩子

孫留伏臘

山中上王村
今尚多石氏

水石映茅茨直道今誰繼淒然

汶水湄

徂徠山下田家

行行空翠裏明晦更多姿碧樹通村路青山向嶽祠林
深雞犬靜雨足隴苗滋他日龜陰稼躬耕亦不遲

羊流作

山勢圍荒壘猶傳太傅城風流一銷歇華表只縱橫落

日高平道殘碑峴首情當年墮淚處髣髴見平生

題尤展成新樂府三首

南苑西風御水流殿前無復按梁州飄零法曲人間遍

誰付當年菊部頭

御覽

展成樂府順治中曾進

猿臂丁年出塞行灞陵醉尉莫相輕旗亭被酒何人識
射虎將軍右壯平

千金七首土花斑兒女恩讎事等閒他日與君論劍術

要離塚畔買青山

題黑白
衛傳奇

冬日讀唐宋金元諸家詩偶有所感各題一絕于

卷後凡七首

元和碑版照千春孔鼎湯盤跡未湮今古才人困箕口

祇應牛斗不能神

退之

星宿羅胸氣吐虹屈蟠兵策畫山東黨牛怨李君何與

青史千秋有至公

牧之

慶厯文章宰相才晚為益博亦堪哀淋漓大筆千年在

字字華嚴法界來

子瞻

一代高名孰主賓
中天坡谷兩嶙峋
瓣香只下涪翁拜

宗派江西第幾人

魯直

射虎山南雪打圍
狂來醉墨染弓衣
函關渭水何曾到

頭白東吳萬里歸

務觀

載酒西園追昔遊
畫欄桂樹古今愁
蘭成剩有江南賦

落日青山望蔡州

裕之

漢庭老吏果無慙
揭後楊前總未堪
愛咏君詩當招隱

青山一髮是江南

伯生

愚山至都門同荔裳顧菴繹堂湟溱小集家兄西
樵邸舍同用初字

爾駕琴高赤鯉魚偶來京洛慰離居樽前兄弟狂猶昔
袖裏詩篇錦不如斜日竹梧新霽後明燈池館夜涼初
幾年南北相思切今夕論文一起予

和汪樊桐工部

孝陵于役詩二首

十載遺弓劍銀池即鼎湖地形圍御宿雲氣滿蒼梧原

廟青山合松楸白日孤當年侍臣在沾灑向春蕪
地是周原舊人知漢道昌千秋傳畢郢萬戶衛咸陽流
水環宮寢春花上繚牆下陵一迴首王氣鬱蒼蒼

題張魏公墨蹟後

淮西白骨接符離三十年中幾喪師太息長城君自壞
軍中空卓曲端旗

王筠侶畫草蟲為大司寇梁公題二首

髯翁任誕如忠恕脫屣朱門傲五侯肯為尚書寫幽興

碧花紅穗草堂秋

一幅丹青顧野王
草根纖意曲籬旁
風懷磊落如公少
便注蟲魚也未妨

送秦留仙太史歸梁溪

我鼓湘靈瑟君彈昭氏琴
房櫳激流徵太息
感知音古塞鴻聲
遠離堂燭淚深臨觴忽不御
為爾一沉吟

送愚山遊嵩少

祖道青門秋氣深
川原風葉亂寒砧
嵩雲落日遙相憶

魏闕江湖共此心
八節灘高晴亦雨
三花樹古晝長陰
陵陽歸去名僧社
卻聽微鐘憶少林

聞林茂之先生已葬鍾山

萬古鍾山下
今成有道阡
龍蟠高士宅
狸首故人憐
老尚歌朱鳥
魂應拜杜鵑
何時磨鏡具
一問秣陵船

送張簑山學士歸廬陵

回首觚稜別紫宸
孤舟遙下富川濱
誰令江外漁樵侶
爭識先皇侍從臣
上殿似聞辛慶忌
行吟休擬楚靈均
千秋

公議存青史應為

朝廷惜此人

送董樵歸成山兼寄宋澄嵐先生林寺孝廉

漢家祠日主遺跡成山中吾子千秋意棲遲滄海東涼
天朝放鶴雪塢夜聞鐘問訊河汾叟東歸道未窮

送孫古喈赴南靖

萬里無諸國孤帆直向東盤餐登馬甲井邑枕蛟宮禁
舶人烟少懸針職貢同孫郎還嫵媚真有紫髯風

盧師山

盧師昔日經行地惆悵蒼崖古木風最憶深秋飛瀑下
四山寒葉亂流中

皇姑寺

皇姑寺前人日晴畏吾村畔草痕生山桃堤柳自春色
粥鼓鐘魚非世情鐵券南宮憐將相黃沙北狩誤公卿
獨慙扣馬輸巾幘天市星文幾夜明

退谷見朱錫鬯李武曾潘次耕蔡竹濤題名

故人消息比何如萬里江湖歲又除
山寺到來先一笑
春風石壁見君書

曉起至五華寺尋水盡頭作

退翁亭子蒼崖前五華古寺當其顛
殘僧夜雪煨芋火
童子開門尋澗泉石壁空青散雲錦
金沙照曜浮清漣
他時把酒蘿陰下風墮巖花烏帽偏

裂帛湖雜詠六首

裂帛湖光碧玉環人家終日映潺湲
分明一幅蔡侯紙

寫出湖南千萬山

淋池十里芰荷風太液西來一派通應有恩波下黃鵠
年年流入建章宮

水軒面面似船牕沙燕鷓鴣盡作雙忽憶夢迴聞柁鼓
一枝柔艣破烟江

宣宗玉殿空山裏簫鼓樓船事已非何似茂陵汾水上
秋風南雁淚沾衣

石甕山頭歸片雲望湖亭上倚斜曛紙錢社酒棠梨道

不到湖邊耶律墳

萬樹垂楊掃綠苔
桃花深映槿籬開
遊人盡說西隄好
須及清明上已來

贈謝方山舍人二首

歷落欽寄可笑人
朝衫猶自染京塵
深憐謝客吟詩好
莫訝王郎斫地頻
三月鶯花連下杜
廿年車庫感平津
青絲挈酒高梁水
取次東風解袂辰

舍人簾閣晝凝香
下直清齋似太常
昨日同尋烟際寺

題詩多在贊公房
晴溪冰雪寒逾好
風磴莓苔滑不妨
騎馬城南春又暮
幾迴西笑憶滄浪

題新樂縣驛壁寄宋荔裳

當年霧夕詠芙蓉
促席傳觴樂未疎
名忝應劉七才子
座傾沈范兩尚書

龔芝麓梁蒼巖二宗伯

飛星過漢無留影
萍葉

隨潮少定居
猶有前期不相負
秋來同釣錦江魚

雨中度故關

危棧飛流萬仞山
戍樓遙指暮雲間
西風忽送瀟瀟雨

滿路槐花出故關

冷泉關道中

南徑雀鼠谷崎嶇殊未休
路隨千嶂轉峽束一川流
灘急長疑雨蟬嘶畏及秋
雲峰將落日立馬迴含愁

國士橋

國士橋邊水千年恨未窮
如聞柱厲叔死報莒敖公

猗氏往蒲州道中有感

令狐城畔雨霏霏
遙指中條積翠稀
西接新秦三輔迴

東鄰故絳兩川圍空聞魏國山河美久識唐家節度非
愁絕無心更懷古清秋風景亦沾衣

望中條山

今朝美風日望見中條山青嶂有時隱白雲隨意還泉
飛幽谷裏鳥嘯竹林間欲訪韓終去菖蒲駐好顏

河中感懷寄諸兄

何處依依動客愁蒲津雲物迴高秋河聲近挾中條雨
關勢遙分太華旅人代茫茫雙去鳥夕陽渺渺獨歸舟

京華故國俱千里心折西風鸛雀樓

中條山下作

中條初日上嵐彩變朝昏芳樹重重鴈流泉曲曲村河
流趨底柱山勢鎖關門借問王官谷貽溪跡尚存

望見華山

蒲坂南來問釣船風陵埕上隔風烟黃河一曲流千里
太華居然落眼前

潼關

潼津直上勢嵯峨天險初從百二過兩戒中分蟠太華
孤城北折走黃河復隍幾見熊羆守棄甲空傳犀兕多
漢闕唐陵盡禾黍雁門司馬恨如何

驪山懷古八首

鸚鵡何年問上皇野棠風折繚垣長銷魂此日朝元閣
親試華清第二湯

滿路香塵拾墜鈿諸姨五隊夾城邊花開繡嶺看調馬
雪下離宮有賜錢

舞罷驚鴻歲月徂長門深閉長青蕪君王自愛霓裳序
不記樓東一斛珠

內殿傳呼菊部頭梨園弟子按梁州善才零落龜年老
渭水猶明羯鼓樓

蜀王音信渺天涯青鳥西飛日又斜斷粉殘香誰得見
承恩只有玉蓮花

鳳凰原下鹿槽旁號國夫人有賜莊無數青山學眉黛
當年誰入合歡堂

不復黃衫舞馬牀更無片段荔支筐祇餘今古青山色
留與詩人弔夕陽

空城幾曲水潺潺松柏淒涼滿舊山輦道無人秋草合
年年嗚咽到人間

灞橋寄內二首

長樂坡前雨似塵少陵原上淚霑巾灞橋兩岸千條柳
送盡東西渡水人

太華終南萬里遙西來無處不魂銷閨中若問金錢卜

秋雨秋風過灞橋

晚渡澧渭

清川生暝色鼓楫溯中流
返照紅將歛終南紫翠稠
遙看雲際寺欲放漢陂舟
故國東溟上茫茫清渭樓

望終南雲氣

終南雲物一千里遠橫嶠
冢包商顏不雨不晴最窈窕
一東一西時往還何日高樓
尋紫閣來朝驛騎繞黃山
無心羨汝能舒卷慙負秋來
水石閒

古詩逢逢白雲一
東一西一南一北

漢武帝通天臺址

通天臺畔望咸京，秋入秦川雨半晴。
御宿不來仙掌散，宮車已往露盤傾。
神光遙指虛無影，渭水長流日夜聲。
此去西風茂陵路，祇應腸斷沈初明。

咸陽早發

日照長陵小市東，依然蹤跡逐飛蓬。
未央宮闕悲歌裏，鄠杜鶯花淚眼中。
已見銅人辭漢月，空留石馬卧秋風。
多情最有咸陽草，和雨和烟歲歲同。

茂陵

武帝乘龍久上昇集靈臺古幾人登晴川淼淼通槐里
秋草萋萋入茂陵天馬歌成愁出塞泉鳩事去涕沾膺
誰知一代孫弘閣唯有東方諫獵能

馬嵬懷古二首

何處長生殿裏秋無情清渭日東流香魂不及黃旛綽
猶占驪山土一邱

巴山夜雨卻歸秦金粟堆邊草不春一種傾城好顏色

茂陵終傍李夫人

飛龍務

此地臨汧渭秦嬴有舊封飛龍何日去凡馬至今空落
落驂騮氣蕭蕭苜蓿叢黃雲秋草裏悵望古城東

武功道中

武功回首望金城古跡蕭條感乍生禿節尚憐蘇屬國
黨人終賴竇游平白頭鬱鬱身前事青史悠悠世上名
千里終南山色好一枝筇竹萬緣輕

武功懷古

唐家慈聖寺后稷有邵封二水流沮漆千秋擬沛豐高
原山色裏小邑夕陽中樂府康王好何時訪汧東

扶風道中

北望迴龍薄西行過馬嵬俠遊無柳市史筆闕蘭臺老
鬢愁中改秋風隴上催田園情話好何事不歸來

馬伏波祠

冥冥炎海伏波祠肅肅靈旗故國思萬里功名銅馬式

五谿淫潦跼鸛時隗詎識真王異朱勃終慙地下知
空憶平生少游語歸來款段悔教遲

織錦巷

慧絕璇璣手當如棄置何憐他蘇蕙子枉嫁竇連波

鳳翔府

城邊汧渭兩交流隴蜀中分第一州西雍橫當斜谷路
南山高接杜陵秋雌鳴尚憶秦人霸星隕難銷漢相愁
形勢依然身萬里扶風歌罷拂吳鉤

寶雞道中

時序颯已變征蓬何處休
遠天吳岳影斜日渭川流
雲棧餘高鳥磻溪有釣鉤
龍鍾三十九白盡老夫頭

寶雞縣

險絕古陳倉停車落日黃
霸圖今寂寞陳寶亦銷亡
城郭秋雲裏人家清渭旁
迴看三輔遠秦樹但蒼蒼

石鼓山

遙憶岐陽狩來過石鼓山
韓蘇今地下星斗尚人間
谿

谷歸飛少川原獵騎還寄情汧渭水千折過潼關

益門鎮

天險當秦鳳提封界雍梁棧雲高不落隴樹曉還蒼古
堠催征騎秋風弔戰場山南明日路漸入武都羌

煎茶坪

大壑沉雲霧冥冥萬仞梯孤峯分隴漢兩水劃東西

東坪

水南北流西

遙直金牛峽旁臨白馬氏當年誰設險不用

一丸泥

自長橋至草涼樓

西下嘉陵水瀾瀾綠滿灘緣崖紅叱撥紫棧曲闌干九
折行人少千峰落日寒不知投宿處樵響隔雲端

鳳縣

險絕岐南路峇嶢蜀北門千峰圍邸閣一線望中原城
下嘉陵水林間謝豹村衰遲慙鳳德愁向接輿論

寄家人

京洛分襟七夕前南岐驛路五更烟故園刀尺齊紈素

遠道風花蜀國絃
斷續鸚飛深鴈裏
橫斜雁度夕陽邊
棧雲隴樹重重隔
閨夢何由向左綿

雨度柴關嶺

棧中新漲未歸槽
百丈柴關水怒號
鳥語不聞深箐黑
馬蹄直上亂雲高
天垂洞壑蛟龍蟄
秋老牙鬚虎豹豪
誰識熏香東省客
戎衣斜壓赫連刀

南星雨發

驟雨南星道秋陰
草木風澗寒傷馬
骨雲亂失豔叢巖

憶公孫帝危知大禹功中原何處所夢落散關東

雨趨留壩

急雨下烏攏千峰一線通路遙洋水北天盡武關東峽
偪風雷氣人穿虎豹叢誰知星使節今夜託牛宮

畫眉關南渡野羊水


四山封甯窳一水急波瀾巨壑蛟潛穩飛流馬渡難陰
崖終古閔白日幾時看惡竹縱橫甚還須斫萬竿

武關寄家書

驛騎千山裏平安兩字書高堂衰白早兒女死生餘聽
雨思兄弟臨風問起居白頭吟更苦莫負錦江魚

閏七夕抵褒城縣

褒斜十日路白髮忽侵尋紅葉下江水始知秋氣深馬
驚初出谷城閉不聞砧何處天河影浮雲只自陰



精華錄卷六